

憨山大師法彙初集

(第二冊)

圓金心

覺

剛經

經

決直

直

解疑說



憨山大師法彙初集

金剛決疑

香港佛經流通處印行

TREASURE SERMONS OF
MASTER HAN SHAN

憨山大師法彙初集 (全十册)

第二册

圓覺經直解. 金剛決疑. 心經直說

《非賣品》

印
行
者
及

贈 印 督 彙
送 贈 印 編
處 者 者 者

一、美 國 謝 張 妙 永 玉 居 生 堂
二、美 國 檀 香 山 虛 雲 寺
三、中 國 廣 東 曲 江 南 華 禪 寺
四、中 國 上 海 市 玉 佛 禪 寺
五、香 港 佛 經 流 通 處
香 港 北 角 英 皇 道 三 九 〇 號
亞 洲 大 廈 五 樓 C 座

佛曆式伍肆壹年(西曆一九九七)
歲次丁丑年十二月初八日
本師釋迦牟尼佛成道良辰敬印奉任套廣結法緣
沐恩弟子張永儉居士
清涼山沙門智開
美國張永玉居士
美國謝妙永居士

電話：二二五七〇一
傳真：二二五七〇四
香港佛經流通處
香港佛教法喜精舍

H.K. BUDDHIST BOOK DISTRIBUTOR
390 KING'S ROAD, 4TH FLOOR,
FLAT "C" ASIA MANSION,
HONG KONG

水心

慈山大師像



憨山大師法彙初集

第二冊

一、圓覺經直解

二、金剛決疑

三、心經直說

刻金剛決疑題辭

般若爲諸佛母菩薩之真因衆生之佛性生靈之
大本也由向背之分故有聖凡之別是知衆生日
用現前見聞知覺皆般若之光端在信不信耳故
曰諸佛智海以信得入靈山一會得度弟子雖出
生死而不信此法無成佛之分勞我世尊多方淘
汰種種彈呵而劣解之徒展轉生疑以爲非己智
分以疑根未拔故本智不現及至般若會上如來
以金剛智而決斷之直使聖凡情盡生滅見亡而

本有智光豁然披露始信自心清淨了無一法爲
已障礙此金剛般若直拔疑根爲發最上乘者說
殊非淺識薄德所能解故黃梅以此印心以其一
法不立是爲宗門正眼也昔天親列二十七疑解
此一經以疑潛言外而此方義學執筌失指從前
得意忘言者希予自幼能誦而長不解每思六祖
大師一言之下頓了此心何世無悟入之人由正
眼不開返爲性障因住曹溪偶爲大衆發揮一過
恍然有悟而言外之疑頓彰心目信乎此法離文

字相非思量分別所能解也因拈示一斑以當法
施初刻之嶺南再刻於五雲又刻於南嶽門人方
玉見而信受茲復刻於吳門將廣願四衆同開金
剛正眼的信自心則成佛正因將以是爲嚆矢也
丙辰長至月慈山清道人撰

金剛決疑

金剛決疑

姚秦三藏法師鳩摩羅什譯
明曹溪沙門憨山釋德清撰

金剛般若波羅密經

金剛二字。解者。都以堅利能斷爲義。此泛說也。然西域實有金剛寶。此寶最堅不可壞。且能壞一切物。謂取此寶以喻般若。能斷煩惱。此雖近理。總非佛意。特尋常宿習知見耳。蓋般若。此云智慧。乃是佛的心。所謂佛智慧也。

波羅密。義云到彼岸。乃指此心極盡處也。今題云金剛般若波羅密。標此經所說特顯佛一片金剛心耳。且金剛心乃佛修因證果之本心。今出世教化衆生。全用此心。今教菩薩以金剛心爲本修因。爲入大乘之初門。故特示之以斷疑也。以此心不是世間衆生常情。故舉世不能知佛。且佛原不是世間人。而今平空走到人間來。則人人見而生疑矣。及其日用行事件件不與人同。說話不同。規矩不同。事事法法與世間相

反。故動而見疑。宜其諸天魔王皆欲害。調達阿
闍皆要殺。而一切人皆生謗也。故曰。我出世間。
一切天人阿修羅外道魔王皆當驚疑。是也不
但天人生疑。卽弟子中上首如迦葉等舉皆疑
佛。以所說法乍空乍有。乍是乍非。或讚或斥。或
獎或呵。全無一定之言。而諸弟子聞者皆疑而
不信。故曰。將非魔作佛。惱亂我心耶。上首尚乃
如此。則新學可知。以佛所說法難信難解。故然
佛出世。一番說法。則今已三十年矣。弟子猶且

懷疑而不信。是則佛之含冤。蓋已久矣。今日幸喜空生。有些見處。窺見世尊一斑。忽生讚歎。故世尊因其疑而決破之。乃披露自己一片金剛真心。表白與他。使其了悟不疑。令諸聞者。羣疑頓斷。故此經。乃佛的示自心。以斷弟子學佛者之疑。不是說般若能斷衆生煩惱也。如其不然。但看經中一一皆是空生之疑。疑佛之心。佛表此心以破彼疑。何嘗說以智慧斷衆生煩惱耶。故此經題。單是法。非以喻也。但斷得弟子疑。就

斷得衆生煩惱。此經一味。只是斷疑。生信爲主。以學道之人。以信爲本。以疑作障。故疑有三種。謂疑人。疑法。疑己。疑人。謂認人不真。卽如弟子聞佛說色身法身。大身小身。不知那箇是真佛。此疑人也。且其說法。方纔說有。却又說空。方纔說空。却又說不空。以其言不一。故最可疑。此疑法也。或有聞而能信。不疑於法。又見其法大。則疑自己根小。不堪領荷。不能修行。此疑己也。今此經中。三疑都有。佛隨空生所疑處。卽便逐破。

頓斷彼疑。所謂疑悔永已盡。安住實智中。此經之旨也。

此經此方解者極多。都不合佛意。獨西域天親菩薩以二十七疑分經。極是。但意出於聖人。而論傳此方。已經翻譯。且譯人有巧拙不同。言不達意。反生滯礙。使學人難省。此微妙幽旨。非口所宣。一落言詮。便成渣滓。况著粗浮文字。何以達妙。此註述之難於描寫佛心。不無救贖之醜。卽如世人作行狀。但可述事。不能傳神。此其難

也。故今決疑解。妙在先得空生之疑爲主。若疑情全露。則佛破疑之說。不待解而自明矣。故此解先出疑。在本文之前。節節按跡而破之。忘言領悟。自得其宗。

如是我聞。一時佛在舍衛國祇樹給孤獨園。與大比丘衆。千二百五十人俱。

解此是佛任世說法儀式。諸說備釋。此不繁衍。爾時世尊食時。著衣持鉢。入舍衛大城乞食。於其城中次第乞已。還至本處。飯食訖。收衣鉢。洗足已。

敷座而坐。

解此是佛住世家常過活。日用處動容。與衆一般。更無別奇特。只是就裏一點。與人不同。知之者希。

時長老須菩提。在大衆中。卽從座起。偏袒右肩。右膝著地。合掌恭敬。而白佛言。希有世尊。

解如來住世日用尋常。與人一般。就裏一點不同處。人人對面不知。今日忽被空生勘破。故歎曰。希有。嗟乎。如來與諸弟子周旋三十年矣。一